

Bosna i Hercegovina
Federacija Bosne i Hercegovine
KANTON SARAJEVO
KANTONALNI SUD U SARAJEVU
Broj: 09 0 U 020365 14 U
Sarajevo, 16.07. 2014. godine

Kantonalni sud u Sarajevu i to sudija Edina Danilović, u upravnoj stvari tužitelja Udruženje građana „Borba protiv korupcije-Transparency International Bosne i Hercegovine“, Gajeva 2, Banja Luka, zastupanog po punomoćniku _____, advokatu iz _____ protiv tuženog Ministarstvo za obrazovanje, nauku i mlade Kantona Sarajevo, radi šutnje administracije, dana 06.07.2014. godine, donio je

RJEŠENJE

Postupak se obustavlja.

Obrazloženje

Tužbom od 28.03.2014. godine tužitelj je pokrenuo upravni spor radi nepostupanja tuženog po zahtjevu tužitelja za dostavu određenih informacija, navodeći da je tužitelj dana 15.10.2013. godine pozivajući se na Zakon o slobodi pristupa informacijama FBiH uputio zahtjev za pristup informacijama Ministarstvu za obrazovanje, nauku i mlade Kantona Sarajevo; da tuženi nije u zakonom predviđenom roku postupio po istom, pa je tužitelj dana 05.11.2013. godine uputio tuženom urgenciju, ali da ni nakon urgencije tužitelju nije dostavljen traženi akt; da je tužitelj izjavio žalbu rukovodiocu Ministarstva kao drugostepenom organu dana 26.11.2013. godine, ali da ni drugostepeni organ nije postupio po istoj u zakonom propisnom roku, pa obzirom da se radi o „čutanju uprave“ tužilac se obratio Upravnom inspektoratu podneskom koji je kod istog zaprimljen dana 23.01.2014. godine, pa obzirom da se tužilac obratio upravnoj inspekciji, koja u roku od 30 dana nije postupila po upućenom zahtjevu, ispunjeni su uslovi za pokretanje upravnog spora u skladu sa članom 20. Zakona o upravnim sporovima, pa je predložio da sud tužbu usvoji i donese presudu kojom će se naložiti tuženom da donese odgovarajuću odluku po zahtjevu tužitelja, u roku od 30 dana od dana prijema iste.

Tuženi je u odgovoru na tužbu obavijestio sud da je u međuvremenu, tužtelju dostavio traženu informaciju, aktom broj: 1-04-49-2427/14 od 19.03.2014.godine.

Sud je dopisom od 26.06.2014. godine pozvao tužitelja da obavijesti sud, da li je zadovoljan aktom tuženog broj: 1-04-49-2427/14 od 19.03.2014.godine, ili ostaje pri tužbi i u kom obimu.

Tužitelj je pismenim podneskom zaprimljenim kod ovog suda dana 08.07.2014. godine izjavio da više nema interesa da vodi upravni spor, pa je predložio da sud shodno tome donese odgovarajuću odluku a saglasno članu 23. Zakona o upravnim sporovima.

Kako je tužitelj izjavio da je zadovoljan naknadno donesenim aktom tuženog, to je sud donio odluku da se postupak obustavlja, a u smislu odredbe člana 26. Zakona o upravnim sporovima (Službene novine Federacije BiH, broj 9/05).

SUDIJA
Edina Danilović

POUKA: Protiv ovog rješenja žalba se ne može izjaviti.



